



商榷集卷三

華亭 高 不騫 查

拜掃落烏潭上新阡



涇南山北望

張涇秦山也

兩世一丘連馬鬣封三尺龜趺

虛五年

神道之碑尚未能立

羈孤漫有後伏臘竟無田滿把平

生淚頻揮宿草前

先君神道碑銘為刑部尚書崐山徐公乾學所撰附錄於後

康熙二十九年四月辛巳中憲大夫太常寺少卿高君卒於位其年十月君之喪歸自京師次年四月附葬松江府城南五十里張涇之右落烏潭之陽贈通政府君之兆葬有日矣其孤不騫具狀請為隧道之文君嘗問業於余余為一統志總裁官實舉君共事編輯余不得辭為詮次其始終而序且銘焉君諱層雲字二鮑號謨苑晚更號菰邨先世從宋南渡其本支於明初徙上海由上海居華亭四傳而至贈翰林院檢討諱年於君為曾祖萬曆乙未進士翰林院檢討諱承祚於君為祖與子緝試副榜士諱承祚君之父也君既貴貢士君得贈如子之

官大夫夫人金氏楊氏皆贈恭人君少時前後母及貢士君連喪居聖室日久家益貧貢士君在時故以隱阮守志又不欲君治舉子業而時所重皆場屋文字苟且塗飾耳目者君獨刻意為詩古文詞益貧不自聊又迫賦役坎壈失次遂策蹇驢入京師而君之名日隆隆起矣

聖天子方幸學釋奠君泚筆作臨雍賦見稱於諸先達京師城南隅民家有刺梅園士大夫休沐餘暇往往攜壺榼班坐古松樹下觴詠間作以為樂時有譚舍人吉璉佐郡延安將行同官祖道者盛集君與今檢討朱君彝尊徵士李君良季三人皆以布衣參其間酒半相與為聯句之作諸公無不斂手推服詩成命善畫者圖焉未幾由秦入蜀歷關河棧閣之路雷蜀二年策滇黔必亂勢將及兩川乃亟歸放船滄瀨浮江而下抵家而吳三桂反川途梗塞人咸服其先見康熙十四年乙卯再至京或勸君習舉子業君曰是不難鍵戶百日遂領京兆薦明年成進士故事進士釋褐待銓者例得分校鄉試戊午遂與是選今張學使光

勇徐編修元正其所得士又二年授大理寺左評事又四年甲子典廣西鄉試還朝充一統志纂修官是時君官廷評六年矣意所平反或與部院不合必力爭之或不得則為兩議以上輒如君議天子察知君可用因考選親試保和殿稱旨授吏科給事中君感

上知益奮勵遇事敢言不縮胸二十七年正月文皇后上賓有詔諸王大臣集議喪禮永康左門外諸親王郡王貝勒貝子公等環坐內閣九卿科道詳議畢閣臣向前白其議長跪移時武定李公年老起即

跪伏君以為非國體即日抗章彈奏謂天潢貴裔大臣禮當致敬獨集議國政異時無弗列坐所以重君命尊朝廷况永康左門乃禁門

重地大行太皇太后在殯至尊居廬天威咫尺非大臣致敬諸王之地亦非諸王踞受之時大學士為輔弼大臣固當自重諸王亦宜以禮接之不可驕恣踞慢失藩臣守謙之義書奏舉朝皆為頸縮天子用君言下宗人府吏禮二部議後凡會議時大臣見諸王不得引身長跪著為令典又糾正黃旗漢軍都統張所知用君言降調由是眾皆畏憚是年夏五月有事於俄羅斯國擇遣臺省漢官二人隨大軍往方廷議時同列竝抑首伏氣不出語君慷慨請行事雖不果舉朝偉之六月京師亢旱勅議應行應革事宜於時江淮間方行屯田事民大擾君請急停以蘇百姓大臣主其議上嘉納之遷通政司右叅議即日轉左未一年又遷今職君於

郊丘廟享諸典禮無不明習其令式上意漸嚮用君中外皆指目謂君即踐要地而君病作甫五日遽卒上臨朝歎息年五十有七眾皆惜君不究其用君為人倣儻

瑰瑋好大節勇於有為不為妮妮細謹在班行中進止侃侃人皆目攝之博覽彊記為詩文痛嫉俗學之陋追古作者有改蟲齋集若干卷工書及畫善賞鑒平居簾閣據几圖史古玩雜陳灑然自得持謙素請者率滿意以去曾以書屢被御獎在太常時上嘗諭卿席爾達

曰爾衙門政事頗簡可語高某畱意書體嗚呼君之結知主上亦雖不在一材一執而人以是上之屬意用君矣君性豪邁不問

上之屬意用君矣君性豪邁不問

上之屬意用君矣君性豪邁不問

上之屬意用君矣君性豪邁不問

家有無輒散盡不侍餘身歿妻子幾不能自存夫人吳氏明戶部主事
諱嘉胤之孫女子三人長鶯即不鶯以狀求余文者也次駕次馭女一
人孫男二人小名犢子驥子女一人高氏自檢討公來本貴盛遭時鼎
革家中落君以布衣走犖下十餘年間連舉順天禮部兩闈位至卿寺
文學節概聞天下嗚呼可謂難也已銘曰彼美一人申浦之濱奮自孤
特卓爾不羣力學嗜古負氣懷奇連蹇乃通豈曰莫知諫垣抗論大著
直聲骨鯁者奮便媚以驚一歲再遷恩顧日渥納言靖共秩祀儼恪
帝簡厥心將授事樞未究其施中道云徂宛宛彼丘壘壘其石著德與
功貽示
靡極

重經松隱

往還松隱里塔古斷琅璫學佛境逾靜為漁意較
長繫橋船背市夾岸網連檣薄薄壚頭酒傾來亦
暫香

荅頤浩寺燈上人餉蓴

寺在金澤

四月蓴絲美微香寸寸凝討羹宜隱者分餉得閒
僧沸釜千重碧流匙一段冰何當傍禪榻幽興日
相乘

塘橋觀漲

流紅侵白舫暖翠豁青簾好趁朝暉出閒看野水
添空明山簇簇凌亂樹娑娑無數人愁絕波光蕩
草檐

午日抵暮至白龍潭畱秀水朱檢討彝尊

公子上舍昆田止宿二首

是日圓潭上吳儉慣若狂紅舡垂玉袖綺席罄金

囊震盪移龍影虛空起鴈行

競舟銜尾而進每舟有一夫騰踔檣竿遠近得見之

憐終宴候却恐易斜陽

沿夕扶魚菴中流接燕梢

禾中小船名

風清木柂外月靜

石塘坳繫纜得依柳觀碑有覆茅昔曾歌詠地聊

復酒浮匏

檢討有龍潭曉發詩載竹垞文類上舍亦有白龍潭觀渡歌附錄於後

白龍潭圖如鏡年年五月龍舟競市上紛紛走少年未到五月先斂錢今年龍舟更加樣擔酒推牛集丁壯競兒醉飽笑拳龍一乘潮能飽漲五月五日天氣晴空城倒巷奔吳僮人頭戢戢如東筍人聲隱隱如飛蚊或聚如鬪蟻或散如驚鷹朱樓臨水簾半開紅窗小舫連翩來盤雲髻滑金釵溜窄袖衫輕白苧裁琥珀光傾大小甕定州羹盤出冰鱖命縷新纏五色絲香蘆小裏九子梭醉眼爭看日端午春雷填填間打鼓龍頭卷晴波龍尾攬素浪吳綾剪作旗蜀錦裁為障競兒把槳各竦聽疾徐恰與鼓聲應鼓聲徐輕擗緩棹閒以舒鼓聲疾長招幹波無一夫忽然趁勢眠水中似欲入水尋龍宮四圍觀者盡失色蹶然而起何其雄亦有好事者買鴨投龍潭鴨頭乍沒水羣龍爭來擗標竿一丈船

心蠹直上竿頭齊說速斜懸倒掛比猿猴橫身更以竿摩腹復有快船紛如麻名為護龍森牙又茸城俠少好身手各逞長伎交相誇須臾日落龍舟卸細柳纏頭口瘡痂舟沉野港人始散我聞此俗尤堪詫此俗江湖傳已舊淫風最是吳人狃枯槁忠臣不可招婆婆孝女安能救今春連月雨不收大小麥子皆無秋急宜插秧向田頭何為輟耒事嬉遊當年元江陵作詩諷競舟岳陽刺史賢百舟一不畱我作此詩非夸稱亦欲竊比元江陵

過青龍鎮

不作繁華夢拌為寂寞遊徒聞舊青浦那是小杭
州夾岸萬株柳乘潮五月舟只今并消歇井社意
先秋

安莊雨泊

柳澗東西遶篷窗曛黑兼到邨人語出繫纜客心

欣鐙亂移書棍囊虛負酒帘瀟瀟聲不斷處處漲
應添

雨餘渡澄照塔院

在大柳中

湖雨過前汀行舟出杳冥山含九朶白塔聳一痕
青風幔蒼茫卷晴鐘次第聽城隅歸路遠不上水
心亭

桐軒晚坐憶外舅徐公洪基於癸亥春客

歸構此邀同張昂焦袁熹讀書其中今

十年矣外舅挈子賚鼎遊燕余與焦里

居相遠張入翰林且歿徙倚桐陰不勝

離索之感云爾

三椽闢吾舅散帙引文儒敏學張焦竝深譚馬鄭
無自從出處別誰分死生殊到此窗仍綠含情坐
據梧

杜樹菴逢支上人

有杜冥冥立涼天黛色參聲來敝廬北根透草堂

南陶宗儀題所畫天台山圖有云余挈家避地於雲間杜樹之北蓋謂南邨草堂也古佛長承蔭斜陽

不到菴過從憐此會茶煮武夸甘

八月十八日吳滙觀潮欲訪董秀才會藝

葵草堂不果

水湧江灣驟風鳴匯口隨輕舸凌噴薄短笛奏參差迹埽菽菜地香連叢桂枝笑看拾翠女相逐弄潮兒

烏涇夜尋黃母祠故址舊稱黃道婆祠張方伯所望改今名

吉貝蠻方物分裁此地多織成資赤子取法自黃婆報本祠安在稱功石可磨聽鶯橋畔月猶照玉人梭

簡顧小况乞露香園水蜜桃栽

結實叨分餉霏紅映綠筍開時愁過熟數處冒輕拋歷口三漿別迴腸百感交移栽畱隙地夢蝶趁

花梢

一覽樓登高在超果教寺中

寺樓出郡郭恣意向閒扉零落雲俱淡蒼茫水乍歸平堤野稻熟吳農謂暴水既退撒穀生苗曰野稻按圖經黃龍三年由拳縣野稻自生疑即此也映檻

塞鴻飛遙想隨雕輦西風冷鐵衣

王處士雲以病眼居康園雨中寄之

一室眯人眼閉門秋雨時書牀黏蠹粉筆架絡蛛絲曬藥病司業看花老拾遺只今南磧上身世曷勝悲

劉遊擊承廉招集倚劔堂賞菊遂與徧觀

城南諸軍園中所植

塞北分征路
淞南背戰場
且拈酒重碧
相就菊初黃
斜影搖戎帳
餘酣倚女牆
毋嫌出郭晚
閒話不勝長

謝式微寄題瓢湖秋汎圖

人道君家宅
青山映坐隅
出遊知厭蜀
開畫見思吳
蕭淡數株樹
空明一片湖
何年馳驟足
穩載飯秋菰

集曹處士重臨谿書屋見番禺屈處士大

均畱詩回憶昔游已十五年矣

背市尋曹重
林红柿葉酣
良辰展重九
逸爵飲過三
交道貧原有
詩流老更諳
舊游存屈五
夢不到天南

附屈大均贈曹十詩有美茸城客新多嬌女篇惠芳詩總好織素畫俱妍白蕩三湖水青峰九疊煙室人同命管紈扇世爭傳

陸驀以所購小蒸里曹知白畫柴門聞犬

吠風雪夜歸人
圖借觀兼餉劉
酒畱之夜話
率然成章

之子探微後
生知畫法高
經時涉西泖
薄暮到東臯
珍重攜殘繪
尋常載宿醪
半酣看挂壁
相與引綈袍

題陸上舍崑曾對一峰閣

古塔林端起興聖寺塔也屹如卓筆峰樓居在朝市對此

豁心曾星亂高低火霜清旦暮鐘須知乘雪看四

照玉玲瓏

夜過宋典籍際青村草堂

迢遞青邨路頽然駐夜帆門闌開軋軋火過摻

摻積思先傾蓋深譚續遠緘還餘嗜書興傍架問

雕典籍家鑄本有關里廣志華亭海塘紀略唐詩定編金是瀛蓬山稿吳騏頤頌集

過錢上舍長涵高橋里居招裴孝廉漢章

年時錢學士金甫握節自江西家在憐瀕海朋來醉

似泥今朝問公子中歲戀幽棲賸肯呼裴迪乘閒

賦雜題

過閘

墮牖松江口經過幾戰兢十年持衆議一旦罷相

仍此舉以無事前功歎莫憑誰云岳陽郡百廢有

俱興近日朝廷用言官言命江浙督撫重臣率諸屬吏按視是閘修築緩急以備江湖蓄洩諸公以無與緩急奏罷時范公承勳

為兩江制府也

趙屯橋寒望

江柁轉沙尾浦橋迎岸頭可堪林葉盡不放草根

畱一望寒煙白何時亂水收哀鴻在鄉井真媿念

推溝

雪夜由歸涇還簡從子德餘

向來南去日不覺信風檣及至東還夜無由步雪
堂渚芹萌小白河蜺綻微黃須待春將半重過駐
小航

送沈處士白歸梅華原兼簡王秀才顥

地勝孤山後誰栽十里梅今年花已落宿昔夢曾
來翠羽成羣語清門隔舍開深憑四月雨一擢借

書廻

秀才曾祖參議圻著書有周禮全書禮記哀言續文獻通考釋史彙編兩浙鹽志雲間海防志

宿皇甫林

名見楊維禎千山志今譌為廣富林

小市臨官道初程駐客蹤暝煙凝八曲春浪曳千
重漸響連船笛遙聞古寺鐘名林以人姓雅似陸
機茸

鍾賈山道中

日射春尤豔雨餘潮欲平青山兩岸出白石一橋
橫鳥雀喧新語林泉記舊名艤舟猶未得補展有
同情

登澱山惟普光王寺三姑廟僅存

徒聞此山上十景勝瀟湘入寺却寥落觀湖亦杳
茫筍穿塔神座花剝水妃裳莫謂春船度無人指

北邙吳文英有澗山湖平前

雲氣樓臺分一派滄浪翠蓬開小景玉盆寒浸巧石盤松風送流花時
過岸浪搖晴棟欲飛空算殿宮祇隔一紅塵無路通 神女驚凌曉風
明月低響丁東對兩蛾猶鎖怨綠煙中秋色未教飛盡鴈夕陽長是墜
疎鐘又一聲欵乃過前巖移釣蓬

立夏日同畢上舍過文上人木蘭山房觀

宋搨蘭亭帖即集其中字為小律二首

清時為長老自有古賢風遊攬人所仰文情日又
崇故山感遇外異世詠懷同悟及無生後其言聽
未終

春事云已盡惠風猶至今因懷文老坐相趣畢生
臨放誕娛初地清和在暮林欣然為一曲異迹集

山陰

秦山對酒

海水不可見名山埒會稽祖龍延望處陳迹杳然

迷洞口仙人石有文曰南巖根隱士泥山出白何當營

晚計載取飾幽棲

晚渡張堰

綠艤重教洗蒼崖尚可攀北風吹舴艋低渡板橋

灣野火遞明滅林廬斷往還生涯到吾舅賜札守

應艱舅氏家藏宋高宗賜少師浩國武安王手勅嘗讀之忠介先生所
築三命堂中按工部侍郎國子祭酒袁樞撰王傳云金人請和上

以王功高遣內侍奉親
札以賜其文附錄於後

勅鎮西軍節度使吳玠兼授師總將權於荆料敵應變制區命於
掌中參稽勳烈之崇宜懋褒嘉之典我有明命揚於天廷具官吳玠
驚好謀直剛不撓少有四方之志出逢千載之辰暢漠北之威名厲山
西之勁氣敦詩說禮有古將帥之風懷德畏威得吾士卒之用入宣勞
於宿衛出著效於干城疇咨鎮撫之才爰付邊陲之寄賴爾經略紓予
顧憂可奉勅如右牒到奉行紹興元年十二月二十一日

勅起復明州觀察使吳玠兼陝西諸路都統制孝移於忠者聖人之格
言國爾忘家者人臣之彝憲而况於閩外之寄統諸路之師淬厲以須
枕戈待旦而可以親喪廢乎具官吳玠以功伐寢階顯榮却敵有沉
果之機馭軍適威變之濟戰多中懋賞既行遽深風木之悲方從金
革之事矧臨敵忌於易將而軍制容於奪情其安厥常毋曠爾職苟能
揚名於世以顯父母則忠孝之道兩得矣爾其懋哉勅如右牒到奉行
紹興五年五月廿五日

勅守司徒兼檢校少師靜難軍節度川陝安撫使吳玠卿當國家之多
難任社稷之至憂實能忠勤以濟勳績方均逸豫適此外虞煩我元公
良非得已亦惟撫國義不辭勞今雖尚謀經武之時非有蒐兵伐罪之
事坐臨諸帥固可優游何必舊邦乃能休養勉綏居息以副倚毗勅如
右牒到奉行紹興六年八月二十日下

遊查山

寸碧瀛壖出疑停枯木查未嫌深意少却笑舊名
遮小洞餘芝草孤雲護蘚花外丹如可就我亦此
蒸砂

過落北邨楊編修瑄宅

捨棹躡莎蔥相過太史公舊邨傳落北歸路恰從
東稷稻嘗深盃葡萄拆遠筒

聖明蠲忌諱情話暢周豐

編修成奉天四年時方
賜還為語山川形勝特詳

雨後登金山衛城望金山

雨驟天依岸風迴波撼城移時照雲日列翠割分
明崦裏添漁屋林邊輟戍旌大都寒穴水能作在

山清

商榷集卷三終



